



duducaello.com

BOPHELO KAPA MONONO WA MOBU KE ENG?

Bophelo ba mobu ke bokgoni ba mobu ba ho sebetsa jwalo ka sebopuwa se phelang kahare ho lebidi la bophelo. *Lebidi la bophelo* le bolela dintho tsohle tse phelang tikolohong e re potileng (dibopuwa tse nyane, dimela, diphoofolo, batho) le kamano dipakeng tsa tsona le tikoloho (moya, tlelaemete, mobu, letsatsi, maemo a lehodimo, jj.).

Mobu o phetseng hantle o thusa bophelo ba dibopuwa tse phelang kahare ho oona, o thusa bophelo ba dimela le diphoofolo le dimela tse ka hodimo ho oona, mme o tswelletsa le ho matlafatsa boleng ba metsi dinokeng tsa rona le moyeng o re potapotileng.

Ho lema mefuta e fapafapaneng ya dimela e loketseng mobu le tlelaemete ho bohlokwa haholo bakeng sa bophelo ba mobu. Dimela tse fapaneng di fana ka mefuta e fapaneng ya dijo bakeng sa dikokonyana tse nyane tse mobung. Ka lebaka lena, dibopuwa tse nyane tse sena di fepa dimela ka metsi le dimatlafatsi tsa bohlokwa.

Mobu o phetseng hantle o fokotsa tlhoko ya ho sebedisa ditlatsetso tse tswang kantle (manyolo le dibolaya-dikokonyana) mme sena se bolela menyetla e eketsehileng bakeng sa dihwai.